

《中國地方藝文薈萃》編委會 編

學苑出版社

中國地方藝文薈萃

第一卷·民間藝術

華東卷·第四輯
陸

中國地方藝文薈萃

《中國地方藝文薈萃》編委會 編

貴州師範學院內部使用

松風餘韻五十卷末一卷（四）

貴州师范学院内部使用

松風餘韻五十卷末一卷（四）

（清）姚弘緒編

據清乾隆八年（一七四三）刻本影印

松風餘韻卷第三十四

目錄

明

董佐才 七首

董紀 一十九首

董源 一首

董恬 一首

董傳策 四首

董晉 二首

董宜陽 九首

董其昌 一十八首

董象恒 一首

董孝初一首

松風餘韻卷三十四

胥浦姚弘緒聽巖編次

董佐才

佐才字良用元處士性存子洪武初薦辟授洛容

知縣卒於官四友齋叢說皇明風雅載松江詩人

二十二諸集未見者二人佐才與王鶴坡也詩繫

董處士成字性存一字自明嘉興人居胥山鄉世

雄於貲好施予人稱長者讀書不仕子良用良史

皆穎敏好學治春秋會稽楊廉夫避地松江後進

多從遊者成因徙家上海令二子往學焉聲譽大

起明初二子皆貴成年八十餘不廢吟咏一夕夢

入帝閭闔門明旦無疾卒歸葬勸善鄉有贈楊山

居太史詩曰曾懷荆璞詣天關雨露思深賜珮環

玉筍筵班躋鳳沼金閨通籍侍龍顏尚書聽履星

辰上太史蜚聲翰墨間厭直承俞鎬字孟京大雅

明躬隱興錦袍光彩照湖山

寄董良用詩曰東望雲山翠且重煙波咫尺是吳
淞十年為客荒三徑百里憐君住九峰把酒每懷
彭澤令放歌甘作鹿門農闔閭風景渾非舊愁聽
寒山夜半鐘王逢題董良用徵士釋耕所詩曰百
畝私田十尺廬釋耕為樂野人如隴牛飼卧春犁
後水鳥低飛午饑餘殷喪蕨薇元可食秦炎種樹
獨存書老子擬就龐公隱歲暮相看兩鬢疎

青藜杖

北斗城頭風露涼閣名天祿隣未央卯金之子校書倦
默思周孔參羲黃黃衣老人叩閣進青藜杖端吹火光
光如崑山燭龍照几席炯炯鬚眉蒼共談來今及徃古

義理淵奧辭精詳自非神功俄頃助經籍至道淪微茫
太師靈壽漫榮寵葛陂龍竹徒荒唐豈如天上有太乙
能使人間文運昌雖云過眉尺度短扶持聖教千年長
當代人才亦豈少好着更生居玉堂

題華亭朱孟辨篆冢詩卷

古初無毫楮義畫何由傳孰知文字理已具河圖前神
農洎蒼頡俯仰極人天穗書與鳥書勅制分後先龜疇
錫禹時盤銘著湯年岐陽紀石鼓史籀稱獨賢矯若蛟
龍蟠鬱若鎖鈕聯蚪蚪書用漆形體因自然一從孔壁
廢重為經籍憐秦相約籀古撰次蒼頡篇小篆遂名家
勁健含姿妍登封及詛神金石紛雕鐫下逮隸八分變

化如雲煙漢經煨燼餘文教仍敷宣保氏存六書學僮
纜九千揚雄摹竒字杜林解探研繼踵非無人意象莫
不全偉哉許祭酒蒐羅歸簡編墜緒賴復舉後學知相
沿陽冰克遠紹鉉錯造其玄近代邵與周筆勢回奔川
華亭朱茂才好古喜欲顛一掃世俗書習篆忘食眠秦
望并之采碧落兼新泉小者案間列大者屋壁懸平生
囊橐資多充買碑錢功深學既精齒壯志益堅池魚染
皆黑鐵硯磨將穿摹榻累萬番期差古人肩師法正在
茲什襲比蹄筌孫樵文自祭智永筆忍捐前修不我欺
我癖尤難痊嗟峨細林山上與浮雲連譬彼汲冢書函
之瘞其巔聚土封若堂劓石表為阡其陽碧樹交其陰

書帶綠山靈謹呵護有名如有仙揮灑人間者顯晦名
非偏寶劔賈胡發玉柙蔓艸纏何如篆冢光夜夜映星
躔

方寸鐵為盧仲章賦

方寸鐵百鍊剛吹毛劔鋒秋水光鐫刻妙擬郢竹房倒
薤文連環紐通侯累累懸肘後伏龜趺蟠螭首頌德紀
功垂不朽鐵名已著霜滿顱復將鐵業傳二雛勿鑿元
祐黨勿刻諗癡符何如往補石經闕萬古六書存楷模
天下英髦知所趨伊誰之力丹邱盧

細柳營

棘門霸上皆兒戲只數條侯細柳營天子徐行恩至重

將軍不拜禮非輕渭城萬樹春陰合漢室千年塞下平
他日從知可堅卧豈愁犇壁有吳兵

讀杜詩有感

幾年京國暗戈矛淪落誰憐杜甫愁春漏也曾嗔錄事
秋饑仍復問彭州平生忠義一作節槩貧逾見小技文章老
更優我亦此身無定處夕陽孤倚仲宣樓

次韻述懷

大塊茫茫本自然杞人無事漫憂天百年流景如雙轂
一餉懽情直萬錢不是溪山嫌客賞何曾風雨為花憐
細推物理休鞿束回首故人空墓田

題俞凝清小樓

戶牖修然樹杪開小樓新結俯池臺書聲直與浮雲抗
畫幅遙驅列岫來豈可胡牀留俗客莫教明月照空杯
元龍豪氣誰能繼述作須憑沈謝才

董紀

顧志紀字良史上海人父成有詩名紀詞翰俱美
賦咏一出輒膾炙人口洪武初舉任江西按察司
僉事尋引疾歸所著有西郊笑端集張東海西郊
笑端集序略明初松江之善詩者御史袁景文為
最判官陳文東鄉貢進士陸宅之江西僉事董良
史處士吳子愚輩亦相頡頏會稽楊鐵崖避地居
松其才膽氣雄震耀當世一時才士皆宗之徃徃

高古不逮詭恠層出又景文輩所不屑也景文有
在野集近方板行而良史輩之詩特間采錄於編
類之集耳光祿少卿周尚文之祖仲鼐其弟子也
得所著西郊笑端集於家躬為編校而行之集凡
若干卷良史涉歷艱虞竄伏田野漫爾而仕漫爾
而歸歸潔其身詩文亦漫爾而作弗冀有傳也今
光祿公乃為不朽之盛事其所以厚前輩承先志
惠後生何如哉惜良史素務韜晦其出處之詳宦
業之大不得備見以為後法而徒以詩文鳴亦云
不幸矣幸而有傳光祿公之力也又安得如光祿
公者咸蒐羅前輩之作併刻而傳之使後之學詩

者以鄉人而師鄉人氣味相近不至頗僻以成吾
松之雅音云樵李詩繫良史初名述夫號一槎其
父自嘉徙松良史與兄良用早有文名洪武間首
舉賢良詔試內廷稱旨授江西按察司僉事未幾
辭歸結西郊草堂為終老計雅好吟咏多率已意
曰供一笑而已每不留藁間有存者自題為西郊
笑端其詩閒整流利諸體俱可觀

短歌行

山鳥日日喚提壺勸君酒盡更須沽千金五花不足惜
莫計囊中錢有無人生百歲幾時好大是愁多歡樂少
朝見花開暮落花昨日朱顏今日老為君起舞為君歌

當年不樂奈老何

煮鶴

山人偶劈琴寂寞九臯音借問纏腰想何如食肉心青
田真易寫赤壁夢難尋恐襲乘軒弊防微意亦深

新卜草堂

為愛林塘好移家向灤西久知烏繞樹稍學燕銜泥花
徑偏宜曲茅堂不厭低猶煩車馬客時復問幽棲

舟次采石

風雨黃昏後帆收采石來人家臨驛住野廟向江開蠟
面傾浮蟻燈花落細煤謫仙何處問夜靜水聲哀

海屋為彝古鼎賦

古鼎名永彝松江詩僧有詩另見